



CONVOCATORIA DE SELECCIÓN DE PERSONAS CANDIDATAS PARA PARTICIPAR NO PROGRAMA DIRECTIVOS E DIRECTIVAS POR UN DÍA PARA O ANO 2019

A Asociación Española de Directivos é unha entidade de ámbito estatal que promove o fomento da función directiva, contribuíndo ao desenvolvemento profesional das persoas que o compoñen e impulsando o diálogo en torno a todas as temáticas relacionadas coa xestión das organizacións.

Co obxectivo de poñer en valor a función directiva no ámbito universitario, contribuíndo ao desenvolvemento profesional de estudantes de titulacións vencelladas a esta función, AED, en colaboración coa Fundación Junior Achievement, poñen marcha a iniciativa Directivos e Directivas por un Día, a través da que proporcionará aos estudantes universitarios a posibilidade de compartir una xornada de traballo e manter contacto directo nun entorno de traballo cotián con persoas que desenvolven funcións directivas en empresas da contorna xeográfica.

A Vicerreitoría de Estudiantes, Participación e Extensión Universitaria da Universidade da Coruña e AED en base á identificación de obxectivos comúns asinaron con data 3 de outubro de 2017 o correspondente convenio específico de colaboración para a posta en marcha do programa Directivos e Directivas por un Día.

De acordo con todo o indicado, a Vicerreitoría de Estudiantes, Participación e Extensión Universitaria

RESOLVE

1. Facer pública a convocatoria de selección de persoas candidatas para participar no programa Directivos e Directivas por un Día para o ano 2019 que será xestionada de acordo coas bases reguladoras.
2. Ordenar a publicación desta convocatoria e as bases que a regulan na taboleiro electrónico da UDC (TEO) e na web <https://www.udc.es/emprego>.

A Coruña, 27 de setembro de 2019

Margarita Amor López

Vicerreitora de Estudiantes, Participación e Extensión Universitaria



BASES QUE REGULAN A CONVOCATORIA DE SELECCIÓN DE PERSONAS CANDIDATAS PARA PARTICIPAR NO PROGRAMA DIRECTIVOS E DIRECTIVAS POR UN DÍA

1. OBXECTO DA CONVOCATORIA

O obxecto desta convocatoria é a elaboración dunha listaxe de persoas candidatas pola Universidade da Coruña para participar no programa formativo *Directivos e Directivas por un Día* organizado pola Asociación Española de Directivos que ten como finalidade o fomento da vocación directiva e emprendedora entre os mozos e mozas universitarios en todo o territorio nacional.

Nunha segunda fase, que será xestionada directamente por AED, o obxectivo do programa *Directivos e Directivas por un Día* será a asignación individual dun mentor ou mentora profesional co que compartir en primeira persoa a súa labor na empresa durante unha xornada laboral, o que permitirá aos e as estudantes adquirir coñecementos e competencias a desenvolver para acceder en mellores condicións ao mercado de traballo.

2. PERSOAS DESTINATARIAS

Poderán participar nesta convocatoria aqueles estudantes que se encontren durante o curso 2019-2020 matriculados no último curso de calquera das titulacións de grao ou dobre grao ofertadas pola Universidade da Coruña relacionadas no Anexo I, ou nun máster cun grao de acceso de perfil semellante ás do Anexo I.

3. SELECCIÓN DE CANDIDATURAS

Recibidas as solicitudes de participación a comisión de selección elaborará unha listaxe de persoas candidatas admitidas, ordenada segundo o expediente académico.

A selección como persoa candidata supón a posibilidade de participar na convocatoria de AED, se ben non implicará obrigatoriamente a asignación de mentorización. A asignación de cada estudante a un directivo/a será realizada pola AED e Junior Achievement, segundo as bases que establezan na súa propia convocatoria, que terá en conta, entre outros, criterios xeográficos, de adecuación de perfís académicos e profesionais en función do currículo de cada persoa candidata e da afinidade aos/ás directivos/as que participan no programa.

O programa *Directivos e Directivas por un Día* oferta un número de prazas limitado. A comisión de selección elaborará unha lista de agarda para suplir posibles vacantes. A xornada de traballo terá lugar nos meses de outubro-décembro, segundo dispoñibilidade de cada directivo/a.

4. PRESENTACIÓN DE SOLICITUDES E DOCUMENTACIÓN

O prazo de presentación das solicitudes será dende o 30 de setembro ata o 6 de outubro de 2019. Toda candidatura que se presente fóra do canal establecido ou con posterioridade ao prazo de finalización de presentación non será tida en conta.



As persoas solicitantes deberán encher o formulario electrónico que se atopa na seguinte ligazón:

<https://forms.office.com/Pages/ResponsePage.aspx?id=PughzrJgdU-mwqYCLo-WG3-Yo0jLkdZAoPEaaYs5kC9URE9TV1pVOEFaUDM1QzRLUUpaRE5aSTdJUC4u>

5. SELECCIÓN E RESOLUCIÓN

Constituirase unha comisión de selección que estudará e valorará as solicitudes presentadas e elaborará unha proposta de resolución.

Esta comisión estará formada polos seguintes membros:

- Vicerreitora de Estudiantes, Participación e Extensión Universitaria da UDC: Margarita Amor López.
- Adxunto á Vicerreitoría de Estudiantes, Participación e Extensión Universitaria, responsable da Unidade de Emprego da UDC: José Rodrigo Sanjurjo Amado.
- 1 estudante : Xaime Pardal Cardama.
- 1 Técnico/a da Unidade de Emprego: José Ángel Felpeto Lamas

Recibida a proposta da comisión de selección, publicarase unha listaxe provisional no tabulario electrónico da UDC (TEO) e na web da Unidade de Emprego, e abrirase un prazo de tres días hábiles para presentar reclamacións. Transcorrido este prazo, procederase á publicación da listaxe definitiva no TEO e na web da Unidade de Emprego. Poderán realizarse as comunicacións individuais que resulten necesarias ao correo electrónico sinalado na solicitude, sen que estas teñan a consideración de notificación.

A resolución será comunicada a AED a efectos da súa admisión como candidaturas válidas na convocatoria de Directivos e Directivas por un Día. Esta convocatoria poderase declarar deserta total ou parcialmente.

6. OBRIGAS

Tódalas persoas que resulten seleccionadas nesta convocatoria asumen o compromiso, agás en casos debidamente xustificadas, de formalizar a súa candidatura á convocatoria de Directivos e Directivas por un Día.

A Vicerreitoría de Estudiantes, Participación e Extensión Universitaria resolverá naqueles casos en que se produza un incumprimento deste compromiso.

7. ACEPTACIÓN DAS PRESENTES BASES

A participación na presente convocatoria supón a aceptación das bases, que poderán ser interpretadas pola comisión e a Vicerreitoría de Estudiantes, Participación e Extensión Universitaria naqueles aspectos non previstos nas mesmas.



8. PROTECCIÓN DE DATOS

En cumprimento do artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección das persoas físicas no que respecta ao tratamento de datos persoais e á libre circulación destes datos ("Regulamento Xeral de Protección de Datos" ou RXPd), e do artigo 11 da Lei Orgánica 3/2018, de 5 de decembro, de protección de datos persoais e garantía dos dereitos dixitais (LOPD), informamos que os datos que a persoa interesada facilite mediante a concorrencia a esta convocatoria, serán tratados baixo a responsabilidade da Universidade da Coruña (UDC), sendo os seus datos de contacto Rúa Maestranza 9, 15001, A Coruña, teléfono 981167000, correo electrónico secretariaxeral@udc.gal

Coa súa participación nesta convocatoria as persoas interesadas autorizan á Universidade da Coruña, que os seus datos persoais sexan utilizados pola Universidade, de acordo coa LOPD, coa finalidade da correcta xestión deste programa. Todas as persoas que entren en contacto con estes datos coa citada finalidade cumprirán o deber de confidencialidade establecido no artigo 5 da Lei Orgánica 3/2018, de 5 de decembro, de Protección de Datos Persoais e Garantía dos Dereitos Dixitais (LOPD).

Mediante a concorrencia a esta convocatoria, a persoa interesada consinte expresamente na publicación dos seus datos de acordo cos principios de publicidade e transparencia, cando así se derive da natureza desta convocatoria. Os datos persoais serán conservados mentres resulten necesarios para as finalidades do tratamento e, en todo caso, durante os prazos establecidos pola lexislación vixente, sen prexuízo do previsto en relación co exercicio do dereito de supresión e outros dereitos contemplados na Lei Orgánica de Protección de Datos Persoais.

A persoa interesada consinte no tratamento dos datos aos efectos de cumprir coa finalidade descrita nesta convocatoria, e terá dereito a retirar o seu consentimento en calquera momento, sen efectos retroactivos. Ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos. Tales dereitos poderá exercelos mediante solicitude remitida á seguinte dirección: Secretaría Xeral, Reitoría da Universidade da Coruña, Rúa Maestranza 9, 15001 de A Coruña ou ao correo electrónico secretariaxeral@udc.gal, coa referencia "protección de datos", a través dun escrito firmado ao efecto achegando fotocopia do seu DNI. Igualmente poderá dirixir esta solicitude directamente ao Delegado de Protección de Datos, á mesma dirección postal anteriormente indicada, ou ao correo electrónico dpd@udc.gal. Asemade, vostede ten dereito a presentar unha reclamación ante a Axencia Española de Protección de Datos (AEPD).



ANEXO I

Relación de titulacións de grao e dobre grao ofertadas pola Universidade da Coruña ás que vai dirixida esta convocatoria:

- Grao en Administración e Dirección de Empresas
- Grao en Arquitectura
- Grao en Arquitectura Técnica
- Grao en Ciencia e Enxeñaría de Datos
- Grao en CC. Empresariais
- Grao en Comunicación Audiovisual
- Grao en Creación Dixital, Animación e Videoxogos
- Grao en Dereito
- Grao en Economía
- Grao en Enxeñaría de Deseño Industrial e Desenvolvemento do Produto
- Grao en Enxeñaría de Obras Públicas
- Grao en Enxeñaría Eléctrica
- Grao en Enxeñaría Electrónica Industrial e Automática
- Grao en Enxeñaría en Tecnoloxías Industriais
- Grao en Enxeñaría Informática
- Grao en Enxeñaría Mecánica
- Grao en Enxeñaría Naval e Oceánica
- Grao en Estudos de Arquitectura
- Grao en Náutica e Transporte Marítimo
- Grao en Relacións Laborais e Recursos Humanos (A Coruña)
- Grao en Relacións Laborais e Recursos Humanos (Ferrol)
- Grao en Turismo
- Grao en Xestión Industrial da Moda
- Programa de Simultaneidade do Grao en Administración e Dirección de Empresas e o Grao de Dereito
- Programa de Simultaneidade do Grao en Enxeñaría Mecánica e o Grao en Enxeñaría Naval e Oceánica
- Programa de Simultaneidade do Grao en Turismo e Grao en Ciencias Empresariais
- Grao en Tecnoloxía de Enxeñaría Civil.
- Grao en Tecnoloxía Mariñas